

Gih Raeuz Daihcibsei Gaiq Saujsu Minzczuz Conzdungj Dijyuz Yindungvei Youq Cungzcoj Gawjbanh

我区第十四届少数民族传统体育运动会在崇左举行

□ gicej Vangz Hauyinz gicej daegbied iucingj Cwngh Gingcinh daengi



▲ Gij cezmuuz gwnz yizsi gaihmu haenx minzczuz daegsaek noengzna.

◀ Aen yizsi gaihmu ciengzmienh hung-mbwk youh ndeyawj.



▲ Youq 10 nyied 24 hauh banhaet guh le mehmbwk haizgieg beij vaiq. (Cinz Genfuz ingj)



▲ Neix dwg 10 nyied 25 hauh banhaet bouxsai dwk lwggienq doxdax. (Veiz Sah ingj)



▲ 10 nyied 26 hauh, mehmbwk caij maxfaex beij vaiq youq Cwngzsi Cizyez Yozyen diyyuzcangz gawjhengz. (Cinz Genfuz ingj)

10 nyied 24 hauh daengz 31 hanh, Gvangjsih Daihcibsei Gaiq Saujsu Minzczuz Conzdungj Dijyuz Yindungvei youq Cungzcoj Si gawjhengz. 10 nyied 24 hauh banhaemh gawjhengz le aen yizsi gaihmu, Swcigih Cwnghaz cujsiz Lanz Denhliz senhbu yindungvei gawjhengz, Swcigih fucuzsiz Vangz Cinvaz gangj vah gaihmu. Swcigih Minzczunghvej dangcuj suhgi, cujyin Hoz Cauzgen gaemguenj aen yizsi gaihmu. Cungzcoj Siveij suhgi, Si Yinzda Cangzvejvei cujyin Liuz Youjmingz gangj vah angqcoux, Guekgya Minzvej Vwnzva Senhconz Swh fuswhcangj Cungh Dingzyungz doeg saeng angqhoh.

Gaiq yindungvei neix youz Swcigih Yinzminz Cwnghfuj cawjbanh, Swcigih Minzczunghvej caeuq Swcigih diyyuzgiz sonyinx, Cungzcoj Si Yinzminz Cwnghfuj ciepbanh.

24 hauh haemh haenx, youq Cungzcoj Si Dijyuz Cunghsinh Dijyuzgvanj, Gvangjsih Daihcibsei Gaiq Saujsu Minzczuz Conzdungj Dijyuz Yindungvei aen yizsi gaihmu-si youq 7 diemj 30 faen ciuqseiz gawjhengz. 14 aen si (laeb miz gih) caeuq Gvangjsih Dayoz, Gvangjsih Swhfah Yozyen, Gvangjsih Dijyuz

Gauhdwngj Conhgoh Yozyau 5 aen gauhyau gyoebbaenz 19 aen daibyauidonz, riengz mbaw geizguek caeuq geizhoih Gvangjsih saujsu minzczuz conzdungj diyyuz yindungvei veigiz hauej veicangz.

Vangz Ginvaz youq gangj vah-gaihmu seizhaenx naeuz, saujsu minzczuz conzdungj diyyuz yindungvei dwg aen hoihhung ndeu, aeudaej cazyawj gij suijbingz gih raeuz minzczuz diyyuz hwngfat ndaej baenzlawz, baijok gij yienghsiengq cing-saenz gvendaengz dieg minzczuz caeuq ginzung saujsu minzczuz. Swcigih Dangiveij, Cwnghfuj soqlaiz gig yaw-naek hwngfat hongsaeh minzczuz diyyuz, lai fuengmienh gvensim nem hauejcoengh ndawbiengz gih raeuz gaeng lai baez gawjbanh saujsu minzczuz conzdungj diyyuz yindungvei, hawj gih raeuz minzczuz conzdungj diyyuz yindung ndaej lailai hwngfat, gij saeh minzczuz diyyuz caeuq ginzung cangqndang haenx hwnghoengh hwngfat. Daj bi 1982 gawjbanh daih'it gaiq saujsu minzczuz conzdungj diyyuz yindungvei daeuj, daengz seizneix gih raeuz gaeng ndaej laebdaeb swnhleih gawjbanh 13 gaiq yindungvei, neix gig mizrengz dwk doidoengh gih raeuz gij hongsaeh

minzczuz diyyuz nem ginzung diyyuz yindung ndaej hoenghwd hwngfat, coicaenh gak minzczuz doxgiet.

Gaihmu vwnzdij yienjok aeu "youq seizdaih moq comzrengz hawj Byaraiz baij yienghlengj" guh cawdaez, baugvat "angqcomz Byaraiz, diemzvan henzguek, Mbanjcuengh ciengqgo, haenqrengz baenaj" daengj 4 aen bouhaenh, aeu vwnzva Byaraiz mbaw mingzben seiqgyaiq gaep neix guh gizhaeuj, cungfaen baijok gij yienghsiengq vunz Mbanjcuengh youq seizdaih moq.

Gaiq yindungvei neix laeb miz hanghmoeg doxdax caeuq hanghmoeg biujyienj, gij hanghmoeg doxdax baugvat bauqva, giuzcaw, saujsu minzczuz dwkgienz daengj 15 aen hanghmoeg hung 93 aen hanghmoeg iq, gij hanghmoeg biujyienj miz loihdoxdax, loihgisuz, loihcunghab daengj sam loih, 2032 boux yindungyenz camgya doxdax.

Ciuq cam rox, gaiq yindungvei neix doenghgij daibyauidonz camgya yindungvei, hanghmoeg doxdax, vunzsoq camgya daengj cungj lai gvaq gaxgonq. Doenghgij daibyauidonz youz gaiq gonq 16 aen gyalai daengz gaiq neix 19 aen, laigya le Gvangjsih Dayoz, Gvangjsih Swhfah Yozyen, Gvangjsih Swhfah Dayoz 3 aen gauhyau daibyauidonz; doenghgij hanghmoeg doxdax youz gaiqgonq 12 aen hanghmoeg hung 60 aen hanghmoeg iq gyalai daengz gaiq neix 15 aen hanghmoeg hung 93 aen hanghmoeg iq, gyalai le dikgiuzduk, buengqnengh, duzgoep gaeb nonhaih daengj hanghmoeg moq, caenh-itbough vatgud nem baijyienj le gij daegsaek minzczuz diyyuz gih raeuz, engq ndei dwk swnjienz nem hwngfat gij vwnzva baengh rengzndaw minzczuz diyyuz gih raeuz.



▲ Neix dwg 10 nyied 28 hauh vadcauh faexcukdog doxdax gaenjaenq ndeyawj. (Lij Meiz ingj)



▲ Ruzlungz 12 boux mehmbwk vad 500 mij beij vaiq haenx ndeyawj raixcaix. (Sinh Yaujminj ingj)